

SAKSPAPIR

Saksnr	Utval	Type	Dato
018/23	Eldrerådet	PS	20.06.2023
054/23	Formannskapet	PS	07.06.2023
052/23	Heradsstyret	PS	21.06.2023
035/23	Ungdomsråd	PS	05.06.2023
018/23	Råd for menneske med nedsett funksjonsevne	PS	20.06.2023

Saksbehandlar	ArkivsakID
Linda Judith Svidal Nordås	21/528

Løypemelding KDP Idrett og fysisk aktivitet

Kommunedirektøren sitt framlegg til vedtak:

Kommunedelplanen for idrett og fysisk aktivitet vert avslutta utan å føre fram til endelig vedtak. Det skal skrivast nytt planprogram før i gang setting av nytt planarbeid, der kultur vert inkludert. Alle innspel og samskapingsmøter som er gjennomført, skal vere med i grunnlaget når arbeidet vert teke opp att.

Eigarskapsmeldinga for idrettsanlegg vert utvida til å omfatte friluftsanlegg der Osterøy kommune eig grunnen, og skal svare ut same spørsmål for disse anlegga som for idrettsanlegg (jamfør sak 12/23).

Ungdomsråd - 035/23

UR - behandling:

Leiar for Kultur og mangfald la fram saka for ungdomsrådet.

UR - vedtak:

Ungdomsrådet støttar kommunedirektøren sitt framlegg til vedtak. Samrøystes vedteke.

Formannskapet - 054/23

FS - behandling:

AVRØYSTING:

Samrøystes vedteke

FS - vedtak:

Kommunedelplanen for idrett og fysisk aktivitet vert avslutta utan å føre fram til endelig vedtak. Det skal skrivast nytt planprogram før i gang setting av nytt planarbeid, der kultur vert inkludert. Alle innspel og samskapingsmøter som er gjennomført, skal vere med i grunnlaget når arbeidet vert teke opp att.

Eigarskapsmeldinga for idrettsanlegg vert utvida til å omfatte friluftsanlegg der Osterøy kommune eig grunnen, og skal svare ut same spørsmål for disse anlegga som for idrettsanlegg (jamfør sak 12/23).

Saksopplysningar:

Saksopplysningar:

Det var satt i gang arbeid med ny kommunedelplan for idrett og fysisk aktivitet i 2021. Planprogrammet vart vedteke 17.06.21. I arbeidet med kunnskapsgrunnlaget for planen, vart det avdekka at det var særskilte forhold knytta til eigarskap for idrettsanlegg. Dei to siste månadane har vi avdekka at same utfordring gjeld for friluftslivsanlegg.

Vidare har ein sett at spesielt friluftsliv ligg i skjæringspunktet mot kulturfeltet, og at det regionalt er føringar om at kultur, idrett og fysisk aktivitet bør sjåast i samanheng i same plan.

Eksisterande kommunedelplan for idrett og fysisk aktivitet må forlengast i eiga sak. Handlingsprogramet må rullerast årleg. Disse prosessane vil gå sin gang i påvente av ny KDP for Fysisk aktivitet, idrett og kultur.

Bakgrunn

Osterøy kommune har sidan vedteke planprogram auka kapasitet og kompetanse på idrett og friluftsliv betraktelig. Kompetanse og kapasitet på kultur og frivillighet, har òg auka. Samtidig viste det arbeidet som er gjort med planen, at det er behov for grundige avklaringar knytta til eigarskap for både idrettsanlegg og friluftsanlegg. Dette er eit krevjande og komplisert arbeid som krev juridiske vurderingar og gode forankringar. Å lage nytt handlingsprogram for idretts- og friluftslivsanlegg utan avklaring om kven som skal eige anlegget, er ikkje hensiktsmessig.

Vurdering

Kommunedirektøren vurderer at det er god forvaltningsskikk å orientere Herrerstyret om at det ikkje er hensiktsmessig å fullføre Kommunedelplan for idrett og fysisk aktivitet slik planprogrammet no ligg føre.

Folkehelse

Ein kommunedelplan for idrett og fysisk aktivitet, og ein kommunedelplan for kultur er nødvendig for å få til utvikling på områdene. Vi veit at idrett, kultur og friluftsliv er viktige faktorar for god folkehelse. Det er midlertid ikkje hensiktsmessig med hastverksarbeid, eller to ulike planar. Da mister vi heilskapen og muligheitane vil forsvinne med dei.

Miljø

Ikkje vurdert.

Økonomi

Eigarskapsmeldinga for idretts- og friluftslivsanlegg må ligge til grunn for nye handlingsprogram for at ein skal kunne vurdere investerings- og driftstilskot, samt få disse ført riktig i rekneskap.

Konklusjon

Eigarskapsmeldinga for idrettsanlegg vert utvida til å òg omfatte friluftslivsanlegg.

Arbeidet med ny kommunedelplan for idrett og fysisk aktivitet vert stoppa fram til eigarskapsmelding for idrett- og friluftslivsanlegg er vedteke.

Når arbeidet med kommunedelplan for idrett og fysisk aktivitet skal takast opp att, skal kultur vere ein del av eit nytt planprogram.

